

Na osnovu člana 29. Poslovnika Skupštine Unsko - sanskog kantona („Službeni glasnik Unsko - sanskog kantona“ broj: 9/17 i 11/21), a u vezi sa članom 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i člana 32. Zakona o unutrašnjim poslovima Unsko – sanskog kantona ("Službeni glasnik Unsko-sanskog kantona", broj 13/16 i 16/17), Komisija za izbor i imenovanja i finansijsko-administrativna pitanja Skupštine Unsko-sanskog kantona, na 34. sjednici održanoj 04.04.2022. godine, raspisuje

**Ponovljeni JAVNI OGLAS
ZA IZBOR I IMENOVANJE ČLANOVA NEZAVISNOG ODBORA
SKUPŠTINE UNSKO – SANSKOG KANTONA**

U skladu sa Zakonom o unutrašnjim poslovima Unsko – sanskog kantona, imenovanje članova Nezavisnog odbora vrši Skupština Unsko – sanskog kantona, na prijedlog Komisije za izbor i imenovanja i finansijsko – administrativna pitanja Skupštine unsko – sanskog kantona.

Nezavisni odbor se sastoji od sedam članova.

(1) NADLEŽNOST Nezavisnog odbora je da raspisuje i provodi Javni konkurs za imenovanje policijskog komesara, vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra, prati rad policijskog komesara i o tome izvještava Skupštinu Kantona, predlaže razrješenje policijskog komesara Vladi, vodi prvostepeni disciplinski postupak protiv policijskog komesara i izriče disciplinske sankcije, prima, razmatra i postupa po podnesenim žalbama na rad policijskog komesara, usvaja poslovnik o radu Nezavisnog odbora i izvještava Skupštinu Kantona o svom radu, obavlja i druge poslove u skladu sa Zakonom o unutrašnjim poslovima Unsko – sanskog kantona.

(2) USLOVI KOJE JE KANDIDAT DUŽAN DA ISPUNJAVA I DOKUMENTACIJA KOJU JE KANDIDAT OBAVEZAN DOSTAVITI

a) da je državljanin Bosne i Hercegovine; b) da ima završen najmanje VII stepen školske spreme ili 240 ECTS studijskih bodova i najmanje pet godina radnog iskustva, nakon sticanja visoke školske spreme u oblasti pravnih, kriminalističkih, sigurnosnih ili drugih društvenih nauka; c) da nije član političke stranke; d) da u posljednje četiri godine nije na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke; e) da u posljednje četiri godine nije bio član izvršnog ili zakonodavnog tijela na bilo kojem nivou vlasti u Bosni i Hercegovini; f) da nije osuđivano za krivično djelo; g) da se protiv njega ne vodi krivični postupak h) da mu nije izrečena disciplinska sankcija za teže povrede službene dužnosti i) da nije policijski službenik ili zaposlenik Ministarstva i Uprave policije; j) da nije otpušten iz državne službe kao rezultat disciplinske mjere na bilo kojem nivou u BiH, u periodu od tri godine prije objavljivanja upražnjene pozicije; k) da nije obuhvaćen odredbom člana IX. 1. Ustava Bosne i Hercegovine;

Kandidati su dužni dostaviti dokumentaciju (original ili ovjerene kopije): 1) prijavu na konkurs sa biografijom, kontakt telefon i adresu. 2) diplomu o stečenoj stručnoj spreml i dokaz o radnom iskustvu, 3) ovjerenu izjavu za uslove iz alineje c), d), e), h), i), j) i k) i 4) uvjerenje iz službene evidencije za uslove iz alineje a), f) i g).

(3) MANDAT

Nezavisni odbor se imenuje na mandatni period od četiri godine.

(4) Svi kandidati koji budu ispunjavali uvjete konkursa bit će pozvani na intervju pred Komisijom za izbor i imenovanje i finansijsko administrativna pitanja. Kandidate koje nakon intervjua preporučl Komisija za izbor smatrat će se da su najuspješnije prošli otvorenu konkursnu proceduru.

Javni oglas će biti objavljen u «Službenim novinama Federacije BiH», dnevnom listu „Oslobođenje“ i na web stranici Skupštine Unsko – sanskog kantona: www.skupstinausk.ba i ostaje otvoren 15 dana od dana posljednjeg objavljivanja.

Prijave sa traženom dokumentacijom dostaviti lično na protokol pisarnice Službe Skupštine Unsko-sanskog kantona ili poštom na adresu sa naznakom - NE OTVARATI

„Prijava na Javni oglas za izbor i imenovanje članova Nezavisnog odbora Skupštine Unsko-sanskog kantona

Komisija za izbor i imenovanje i finansijsko administrativna pitanja, Ul. Alije Đerzeleza br. 6, Bihać.“

Nepotpune i neblagovremene prijave neće se uzeti u razmatranje.

Dostavljene prijave po prvom Javnom oglasu za izbor i imenovanje članova Nezavisnog odbora Skupštine Unsko-sanskog kantona biće uzete u obzir u daljnjoj proceduri za izbor i imenovanje po ponovljenom oglasu.

PREDSJEDAVAJUĆI KOMISIJE
Agan Bunić

